


Segun resultadonan di Censo 2010:

Den tur categoria di edad e grado di participacion escolar a aumenta na 2010

Despues cu e promer datonan di Censo 2010 a bira conoci y esaki mediante e publicacion principal ‘Fifth Population and Housing Census’, Oficina Central di Estadistica (CBS) a cuminsa na analisa profundamente tur e datonan aki y ta den e cuadro aki diferente articulo ya a ser publica, e.o. ‘Ageing on Aruba’, ‘Life expectancy in Aruba’, ‘Gender Gap’, ‘Profil di e persona divorcia’. Intencion di CBS ta pa den e lunanan venidero sigui cu su ciclo di informacion treciendo diferente topico padilanti y esaki mediante articulonnan cu lo sali den prensa local. Den e articulonnan comunidad lo haya un bista di e desaroyo relaciona cu e topiconan concerni, basa riba datonan di e ultimo censonan. Alabes lo haci uzo di datonan administrativo di otro instancianan pa compila e articulonnan aki.

E biaha aki CBS lo elabora riba e grado di participacion escolar na Aruba y esaki segun e ultimo tres censonan. E grado di participacion ta referi na e alumnonan den cierto categoria di edad cu ta bay scol relata na e total cantidad di personanan cu ta cay den e mesun categoria di edad aki, pues incluyendo esnan cu no ta bay scol.



Riba e grafico adhunto nos por mira cu den e categoria di edad di 0 pa 5 aña e porcentahe di alumnonan cu ta bay scol primario a aumenta substancialmente entre 1991 y 2010, esta for di 55.6% na 1991 y te na 64.3% na 2010. Pa loke ta categorianan di edad di 6-11 aña (scol basico) y di 12-17 aña (scol secundario), e grado di participacion na 2010 a keda bastante halto, caminda nos ta mira cu esaki ta 98.6%, respectivamente 95.8%. Alabes e grado di participacion escolar di esnan riba 18 aña a conoce un aumento substancial durante e ultimo 20 añanan, for di 3.5% na 1991 te cu 5.6% na 2010. Sinembargo e hecho cu e porcentahe di esnan riba 18 aña cu ta bay scol – compara cu e otro categorianan di edad – t’asina abao, ta debi cu un gran parti di e hobennan ta studiando den exterior y un parti chikito a keda Aruba y ta sigui nan estudio na entre otro Universidad di Aruba y IPA.

Mirando cu e grado di participacion escolar den e categorianan di edad di 6-11 y 12-17 ta bastante halto caba, e ley di enseñanza obligatorio y su implementacion den e aña escolar 2012/2013 lo bay aumenta aun mas e grado di participacion aki.

